

氏族典第四百五十六卷

冀姓部彙考

鄭樵通志 以國爲氏

冀氏左傳冀國今晉州冀氏縣是也子孫以國爲氏晉滅冀爲郤氏食邑冀芮之子孫以邑爲氏宋朝冀膺登進士第并州人望出渤海

廖用賢尙友錄 冀姓

冀渤海角音

冀姓部列傳

周 冀芮

按左傳僖公十年平鄭之如秦也言于秦伯曰呂甥郤稱冀芮實爲不從若重問以召之臣出晉君君納重耳蔑不濟矣

冀缺

按左傳僖公三十三年初曰季使過冀見冀缺耨其妻饁之敬相待如賓與之歸言諸文公曰敬德之聚也能敬必有德德以治民君請用之

北周 冀儁

按周書冀儁傳儁字僧儁太原陽邑人也善隸書特工模寫太祖引爲記室大統初除丞相府城局參軍出爲華州中正十三年遷襄樂郡守尋徵教世宗及宋獻公等隸書累遷車騎大將軍儀同三司世宗二年以本官爲大使巡歷州郡察風俗理冤滯頗有聲稱尋加驃騎大將軍開府儀同三司封昌樂縣伯進爵爲侯後以疾卒

唐 冀重

按尚友錄重著冀子五卷

宋 冀應登

按萬姓統譜應登并州人登科

金 冀禹錫

按萬姓統譜禹錫龍山人至寧初進士仕歷州郡有能聲歸德受兵禹錫爲行院都事經畫守禦一府倚重聞變或勸以微服免不從遇害

元 冀德方

按山東通志德方朝城人至元間爲濟寧州達魯花赤均賦役明訟獄建廟學育人才築堤開渠以備旱澇民賴其利

冀邦直

按山東通志邦直齊河人文宗時爲荏平尹勞農桑立鄉社政尙廉簡百姓安之

明 冀凱

按萬姓統譜凱鹿邑人以文才貢入太學授廣西祿州判官在任廉幹有爲正直不撓舉陞兵科給事中尋陞工部左侍郎清譽益振

冀綺

按萬姓統譜綺字文華寶應人成化己丑進士授戶部主事歷官應天府尹綺性質直有治才爲郎

中時總理邊儲陳邊務及時政二十餘事尹京兆宿弊盡革嘗奏減邑中馬五百餘匹人至今德之

冀貴 冀九齡

按濮州志貴洛陽人監生成化十年任知州 按萬姓統譜九齡益都人弘治舉人知華陽縣守

己愛民

冀元亨

按萬姓統譜元亨字惟乾武陵人正德丙子鄉薦幼有志操每以古人自期待對妻子如賓率族人以正爲學務探本源不爲口耳之習嘗從王守仁遊甚加器重守仁擒逆濠爲人中傷嫁禍於元亨繫詔獄守仁力鳴其冤會肅皇帝登極詔釋之先五日遭疾卒於獄嘉靖乙丑常武建陽明書院以元亨配享

冀傑

按萬姓統譜傑東安人起卒伍仕至都督僉事卒贈清源伯諡忠壯妻王氏自殉贈淑人

冀鍊 冀蘊臣 冀國 冀英楚 冀登 冀懋中 冀體 冀道隆

按萬姓統譜鍊字純夫益都人嘉靖甲辰進士歷官兵部侍郎 按萬姓統譜蓋臣榆次人嘉靖

舉人 按萬姓統譜國河內人舉人嘉靖間戶部郎中陞雲南大理知府 按郟城縣志英楚

河南葉縣人由歲貢嘉靖年任訓導 按博平縣志登嘉靖辛卯科舉人 按博平縣志懋中

上蔡進士萬曆三十五年來任知縣調益都知縣 按明外史楊恂傳王錫爵謝政趙志臯代爲

首輔御史冀體極論志臯不可不去帝怒責對狀體抗辭不屈斥爲民體武安人被廢累薦不起卒

於家 按益都縣志道隆武強知縣

季姓部彙考

鄭樵通志 以次爲氏

季氏姬姓魯桓公季子友之後也亦曰季孫氏一曰陸終氏之子季連之後漢功臣表戚圍侯季必
傳封四代望出壽昌魯國 臣謹按世譜云諸侯之子稱公子公子之子稱公孫公孫以王父字爲

氏行父是季友之孫故爲季氏又爲季孫氏也然季氏自行父至季孫彊並稱季孫氏以傳家故

也如季公鳥季公亥之類凡支庶並稱季氏以別

凌迪知萬姓統譜 季姓

季渤海徵音又望出壽昌魯國

季姓部列傳

上古 季連

按史記楚世家祝融吳回生陸終陸終生子六人坼剖而產六曰季連芊姓楚其後也

周 季梁

按左傳桓公六年楚武王侵隨使薳章求成焉隨侯使少師董成少師歸請追楚師隨侯將許之季梁止之曰天方授楚楚之羸其誘我也君姑修政而親兄弟之國庶免於難

季冶

按萬姓統譜魯襄公在楚季武子取卞季冶逆追而與之璽書以告曰卞臣將叛臣討之既得之矣公未言榮成子曰子股肱魯國社稷之事子實制之唯子所利何必卞有罪而子征之子之隸也又何謁焉子冶歸致祿而不出曰使子欺君謂子能也能而欺其君敢享其祿而立其朝乎

季公若

按左傳昭公二十五年季公若之姊爲小邾夫人

季公鳥 季公亥

按左傳昭公二十五年初公鳥娶妻於齊鮑文子生申公鳥死季公亥與公思展與公鳥之臣申夜姑相其室

季寤

按左傳定公八年陽虎欲去三桓以季寤更季氏

漢 季布

按漢書季布傳布楚人任俠有名項籍使將兵數窘漢王項籍滅高祖購布千金布匿濮陽周氏置廣柳車中之朱家所朱家見滕公滕公爲上言上乃赦布召見拜郎中孝惠時爲中郎將爲河東守孝文欲召爲御史大夫或言其勇使酒難近留一月罷楚人諺曰得黃金百不如得季布諾

季心

按漢書季布傳布弟季心遇人恭謹爲任俠方數千里士爭爲死嘗爲中司馬中尉郅都不敢加季心以勇季布以諾聞關中

季必

按漢書功臣侯表必以騎都尉從起櫟陽破廢丘擊項籍破齊攻臧荼爲將軍擊韓王信封戚侯十

六年薨諡圉

按灌嬰傳作李必與此不同

季長

季瑕

季信成

季買之

按漢書功臣侯表孝文元年戚賁侯長嗣三年薨

按漢書功臣侯表戚躁侯瑕嗣三十八年薨

按漢書功臣侯表建元三年戚侯信成嗣元狩五年坐爲太常有罪爲隸臣

按漢書功臣侯表

元康四年戚侯必元孫長安公士買之詔復家

晉 季產

季績

按萬姓統譜產字子喬仕燕爲尙書

按萬姓統譜績產子少有風節爲中庶子

唐 季無爲

季虞

季錚

按萬姓統譜無爲與鄭仁傑隱居太白山

按萬姓統譜廩上元中刺史寶應元年改刺虔州

按尙友錄錞字希聲江西詩派中人

後周 季芮

按萬姓統譜芮周昭義節度使

宋 季幾復

按江西通志幾復字晞顏臨川人與弟中復俱有文聲號二季元豐八年進士知建昌縣歲旱以什五法計口給粟全活者多計使錄其式頒行他邑改知崇陽民祠之以配前令張忠定云

季知元

按萬姓統譜知元龍泉人崇寧癸未以累舉出官除撫州法曹轉知江陰寬簡樂易不苟不擾被召主國子簿宣和二年以朝散郎致仕

季陵

按宋史季陵傳陵字延仲處之龍泉人登政和二年上舍第三遷太學博士論學術邪正異同長官

怒譖之執政謫知舒城縣未幾除太常寺簿遷比部員外郎建炎二年守尙書右司員外郎太常少卿金人南侵帝幸杭州朝廷儀物皆委棄之陵奉九廟神主負之以行拜起居郎遷中書舍人時張浚爲川陝等路宣撫處置使陵論其太專忤旨落職與祠數月復職范宗尹薦其才命知臨安府復爲中書舍人范宗尹嘗仕僞楚故凡受僞命者皆錄用陵因上疏言於罪戾中選擇實能量付以事勿因一眚廢其終身仍詔臺諫爲國愛人勿復言詔榜其疏于朝堂侍御史沈與求劾陵承望宰執風旨罷官提舉杭州洞霄宮紹興元年復右文殿修撰二年復徽猷閣待制帥廣在官三年卒

季南壽 季可

按萬姓統譜紹興中貢院言博學宏詞科有武進尉周麟之婺州教季南壽合詔並與堂除
萬姓統譜可監察御史

季鏞

按萬姓統譜鏞字伯韶括蒼人淳祐十二年知睦州時歲饑鏞至虛已問俗首蠲私茶十六力請於朝寬京府權糴之令發廩分賑頓之四明民樂安生

季仁壽

按萬姓統譜仁壽其先處州龍泉人用薦起教諭慈溪爲徵逋租新禮殿建教諭廳事善待後進鼓舞激厲人多稱之

季逢昌

按萬姓統譜逢昌字子明以麟郎懿屬補登仕郎授迪功郎調沿江制司糧料官淮東制司糧料官所至以勤慎稱宋季海隅經韃寇殘毀惟醴官僅庇司存井邑荒寂無行蹤逢昌至弊端如絲悉與清剔暨秩滿爲贏十五萬餘斤平章魏了翁時制淮閩議復通城以軍券爲慮移檄委逢昌糴百萬緡逢昌不辭難旬月事集魏公嘉其能舉以練達科

明 季仲蘭

按萬姓統譜仲蘭浦城人洪武中爲嚴州知府勤於政事惠愛及民一郡翕然從化

季應祈

按萬姓統譜應祈瑞安人少穎悟受春秋於高則誠旣而得關閩諸儒全書讀之於天道性命之微

古今圖書集成
古今事物之理與夫百家子史靡不極其津涯尤樂於誨誘常曰窮經以致其用反躬以踐其寔不如是讀書奚益洪武十九年有以明經薦遂引年告老於朝以歸年八十三卒

季汶 季箴 季鐔

按萬姓統譜汶字彥父處州人同宋濂等入見以老乞歸不仕 按萬姓統譜箴字仲怡常熟人

永樂中以經明行修薦授崑山訓導有文學勤於纂述所著有友梅集 按萬姓統譜鐔福建人

永樂進士

季方

按萬姓統譜方字子坤貫振武衛籍高郵人中山西鄉試初仕翰林院庶吉士授編修出爲河南左叅議轉叅政卒

季駿 季源 季琮

按萬姓統譜駿字文華會稽人正統乙丑進士歷僉事 按萬姓統譜源字本清進賢人成化辛

丑進士歷太常少卿 按萬姓統譜琮會稽人成化進士

季恆

按萬姓統譜恆六合人成化中知安鄉縣民不習縷織恆教藝桑棉月課其功民利始興儲積救荒市地廣學復范文正祭田善政皆可傳述後調巴陵竟棄官去

季厚禮

按萬姓統譜厚禮無爲人晨昏奉親下氣怡色父母終俱廬墓三年不食鹽味其子立居厚禮喪亦不食肉廬墓三年母歿又廬墓三年孫廷春於宣德間母喪結廬墓側茹蔬食粥不食鹽醬三年猶一日人謂其一門純孝云

季春

季本

季德甫

季永康

季科

季寶

按萬姓統譜春字體仁鎮武人弘治丙辰進士歷尙寶卿

按萬姓統譜本字明德會稽正德丁

丑進士歷知府

按萬姓統譜德甫字仲修太倉人嘉靖甲辰進士歷按察使

按萬姓統譜

永康滄州人嘉靖癸丑進士歷戶部郎中

按萬姓統譜科江陰人嘉靖癸丑進士歷參政

按六合縣志嘉靖三十二年倭奴入寇寶應募禦之死於陣

季獻明

按明外史季獻明傳獻明字思皇壽光人崇禎元年進士授保定推官明年大兵臨遵化巡撫王元雅與推官何天球遵化知縣徐澤及先任知縣武起潛等憑城拒守時獻明以察核官庫在城中請守東門未幾城破遂死之元雅太原人自縊死天球以永平推官理遵化軍餉澤字兌若襄陽人獻明同年進士與天球起潛並殉難起潛字用潛進賢人天啟五年進士初爲武清知縣調繁遵化坐事解官候代遂及於難

智姓部彙考

廖用賢尙友錄 智姓

智望出天水姬姓卽荀氏別食知邑又爲智氏望出河東陳留

智姓部列傳

周

知莊子

知音

按左傳宣公十二年晉師救鄭荀林父將中軍先穀佐之士會將上軍卻克佐之趙朔將下軍欒書

佐之趙括趙嬰齊爲中軍大夫鞏朔韓穿爲上軍大夫荀首趙同爲下軍大夫韓厥爲司馬及河間
鄭既及楚平桓子欲還彘子以中軍佐濟知莊子曰此師殆哉周易有之在師之臨曰師出以律否
臧凶執事順成爲臧逆爲否衆散爲弱川壅爲澤有律以如己也故曰律否臧且律竭也盈而以竭
天且不整所以凶也不行之謂臨有帥而不從臨孰甚焉此之謂矣果遇必敗彘子尸之雖免而歸
必有大咎

莊子字季
卽荀首也

知磬

按左傳宣公十二年晉師救鄭楚熊負羈囚知磬知莊子以其族反之射連尹襄老獲之遂載其尸
射公子穀臣囚之以二者歸

磬莊子
子武子

知朔

按左傳襄公十四年晉侯舍新軍禮也於是知朔生盈而死盈生六年而武子卒彘襄亦幼皆未可
立也新軍無帥故舍之

朔磬之長子盈朔
弟也盈生而朔死

知盈

按左傳昭公五年躒敗彊曰韓起之下趙成中行吳魏舒范鞅知盈皆諸侯之選也

知徐吾

按左傳昭公二十八年知徐吾爲塗水大夫

知躒

按左傳昭公三十一年晉侯將以師納公季孫意如會晉荀躒於適歷夏四月季孫從知伯如乾侯

知伯荀躒也

知申

按春秋臣傳荀躒子申曰知宣子

知果

按春秋臣傳知宣子將以瑤爲後知果曰不如宵也宣子曰宵也狠對曰宵之狠在面瑤之狠在心若果立瑤知宗必滅弗聽知果別族爲輔氏及知氏之亡惟輔果在

智瑤